

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), dhe duke vepruar sipas njoftimit të përqendrimit të parashtruar nga shoqëria **ALFI PE d.o.o. fondi i specializuar i investimeve k.d.** me seli në rrugën Verovshkova 55A, 1000 Lubjanë, Slloveni, përmes Shoqatës së Avokatëve Knezoviq dhe Bashkëpunëtoreve nga Shkupi, në seancën e mbajtur më **04.05.2023**, miratoi

AKTVENDIM

Vërtetohet se përqendrimi me të cilin shoqëria **ALFI PE d.o.o. fondi i specializuar i investimeve k.d.** synon të fitoj kontrollin mbi **VEMO TRADE, një shoqëri tregtare për prodhim tregti dhe shërbime SHPK** me seli në rr. Ivan Gjurkan nr. 9 Koprivnica, Republika e Kroacisë, nëpërmjet blerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbardimin e aktvendimit.

Arsyetim

Në përputhje me nenin 15 të Ligjit për mbrojtjen e konkurrencës, në datën 31.03.2023, në Komisionin për Mbrojtjen e Konkurrencës (në vijim: Komisioni) është dorëzuar njoftim për përqendrim nga **ALFI PE d.o.o. fondi i specializuar i investimeve k.d.** me seli në rrugën Verovshkova 55A, 1000 Lubjanë, Slloveni, me të cilin **ALFI PE d.o.o. fondi i specializuar i investimeve k.d.** synon të fitoj kontrollin mbi **VEMO TRADE, një shoqëri tregtare për prodhim, tregti dhe shërbime SHPK** me seli në rr. Ivan Gjurkan nr. 9, Koprivnica, Republika e Kroacisë, me anë të blerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

ALFI PE d.o.o. Fondi i specializuar i investimeve k.d., është një fond kapitali privat dhe është një fond i pavarur i kapitalit privat me një potencial investimi prej rreth 70 milionë euro. Fondi fokusohet në investimin në zhvillim me ndërmarrje të vogla dhe të mesme inovative dhe me rritje të shpejtë të klasit të parë dhe të mesëm të themeluara ose që kryejnë biznesin e tyre kryesisht në Slloveni dhe Kroaci.

Veprimtaria e regjistruar e Shoqërisë është: veprimtaria e kujdestarisë dhe fondeve të tjera dhe subjekteve të tjera financiare.

ALFI PE d.o.o. Fondi i specializuar i investimeve k.d., punon në kuadër të programit slloven të investimeve për rritjen e kapitalit. Bëhet fjalë për një program investimi në kapital në vlerën 100 milionë euro, të cilin Banka SID dhe Fondi Europian i Investimeve (EIF) e themeluan në nëntor 2017.

Qëllimi i programit është mbështetja e pronësisë për ndërmarrjet e vogla dhe të mesme sllovene inovative dhe me rritje të shpejtë, kompanitë me kapital të mesëm me deri në 3000 punonjës dhe krijimi i vendeve të reja të punës në Slloveni. Programi mbështetet nga Fondi Evropian për Investime Strategjike (EFSI), i cili është thelbi i Planit të Investimeve për Evropën.

Grupi ALFI aktualisht ka 2 shoqëri të lidhura në Republikën e Maqedonisë së Veriut:

- Shoqëria për tregti dhe shërbime APOLLO MK SHPKNJP Shkup, me seli në bul. Kiro Gligorov nr. 13 Shkup, me veprimtari: tregti me shumicë të mallrave tjera shtëpiake dhe
- Shoqëria e shërbimeve PRO KOLEKT SHPKNJP Shkup, me seli në rr. Hristo Tatarçev nr. 121-G Shkup, me veprimtarinë e agjencive për mbledhjen dhe pagesën e llogarive dhe zyrat kreditore.

Veprimtaria e regjistruar e VEMO TRADE, shoqëri tregtare për prodhim, tregti dhe shërbime SHPK është prodhimi i letrës dhe kartonit të valëzuar dhe ambalazhimi nga letra dhe kartoni, por në fakt merret me prodhimin e qeseve nga letra dhe nuk prodhon qese letre.

VEMO TRADE, shoqëria tregtare për prodhim, tregti dhe shërbime SHPK nuk është e pranishme në tregun maqedonas.

Komisioni konstatoi se përqendrimi i parashtuar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtuar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrahet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски